

## **Gairm gu Ùrnaigh: Latha na Sàbaid 15mh dhen Lùnastal 2021**

### **Ùrnaigh aig 7f**

Fhad 's a shiubhaileas sinn on àite far an robh sinn dhan àite far a bheil sinn a' dol, tha ar coimhearsnachdan a' tighinn còmhla a-rithist, beag air bheag. Beag air bheag, tha sinn a' seinn còmhla a-rithist, a' neartachadh an dàimh eadarainn agus a' moladh an Tighearna còmhla ri chèile. Beag air bheag, tha sinn a' seinn a-chum cliù an Tighearna a-rithist, ga mholadh "ann an sailm is laoidhean is òrain spioradail" (Ephèsianaich 5: 19).

Tha sinn ag aithneachadh gur pàirt bunaiteach ar n-adhraidh a th' ann an seinn maille ri ar bràithrean agus peathraichean ann an Crìosd. Air ar brosnachadh leis an Spiorad, tha sinn a' toirt taing as ùr "do Dhia an t-Athair, ann an ainm ar Tighearna Iosa Crìosd" (Ephèsianaich 5: 20). Agus le sin a dhèanamh, tha sinn a' com-pàirteachadh ann an tiodhlac na beatha, beatha na lànachd, a tha Dia a' toirt dhuinn tro Chrìosd agus leis an Spiorad.

Dèanamaid ùrnaigh:

Fhad 's a shiubhaileas sinn  
on àite far an robh sinn  
dhan àite far am bi sinn,  
lìon sinn led Spiorad,  
gus an dèan sinn adhradh ann an spiorad agus ann am firinn,  
a' moladh d'ainme naoimh.  
A Thighearna, na do thròcair,  
èist ri ar n-ùrnaigh.

Fhad 's a shiubhaileas sinn on àite far an robh sinn  
dhan àite far am bi sinn,  
brosnaich sinn, maille ri ar coimhearsnaich,  
gus ar cridheachan a thogail  
agus gus moladh a thoirt dhut as ùr.  
A Thighearna, na do thròcair,  
èist ri ar n-ùrnaigh.

Fhad 's a shiubhaileas sinn on àite far an robh sinn  
dhan àite far am bi sinn,  
ath-nuadhaich sinn, gus an ath-nuadhaich sinne ar n-adhradh

le Sailm agus laoidhean  
agus òrain a-chum do chliù, a Dhè.  
A Thighearna, na do thròcair,  
èist ri ar n-ùrnaigh.

Fhad 's a shiubhaileas sinn on àite far an robh sinn  
dhan àite far am bi sinn,  
deònaich gun lorg sinn a-rithist na chaill sinn  
agus gun lorg sinn a-rithist na rudan a dh'aontaicheas sinn uile,  
sinne a chaidh ar dealbhadh nad ìomhagh.  
A Thighearna, na do thròcair,  
èist ri ar n-ùrnaigh.

Fhad 's a shiubhaileas sinn on àite far an robh sinn  
dhan àite far am bi sinn,  
tha sinn a' toirt taing dhut  
airson do thiodhlacan gu lèir,  
tro Chrìosd agus led Spiorad.  
A Thighearna, na do thròcair,  
èist ri ar n-ùrnaigh.

Soidhnichte:

An Ceart Urramach Morair Uallas, Moderàtor Àrd-Sheanadh Eaglais na h-Alba

Am Fìor Urramach Leo Cushley, Àrd-Easbaig Chill Rìmhinn agus Dùn Èideann

Am Fìor Urramach Marcus Strange, Primus as leth Colaiste nan Easbaigean,

Eaglais Easbaigeach na h-Alba

An t-Urramach Oll. Daibhidh Miller, Eaglais Shaor Aonaichte na h-Alba

An t-Urramach Niall MacMhaoilein, Moderàtor, an Eaglais Shaor

An t-Urramach Pòl Whittle, Eaglais Ath-Leasaichte Aonaichte (Alba)

An t-Urramach Màrtainn Hodson, Àrd-Stiùiriche, Aonadh Baisteach na h-Alba

An t-Urramach Marcus Slaney, Cathraiche Roinn-Dùthcha, Eaglais nam

Methodach (Alba)

An t-Urramach Tòmas R. Wilson, Cathraiche, Caidreachas Co-thionalach ann an

Alba

Lt. Col. Carol Bailey, Rùnaire na h-Alba, Feachd na Slàinte

Adwao Bittle, Comann nan Caraidean (Cuagairean)

An t-Urramach Claire Fender, Àrd-Neach-Stiùiridh Roinn-Dùthcha, Eileanan

Bhreatainn, Eaglais an Nàsaraich

Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais

Chrìosdal air Saoradh le Dia

Easbaig Francis Alao, Eaglais Dhè (Alba)/ Eaglaisean nam mìon-shluagh còmhla

ann an Alba (MECTIS)

An t-Urramach Fred Drummond, Stiùiriche, Caidreachas Soisgeulach (Alba)